

**ACTA DA SESIÓN ORDINARIA DO PLENO DA CORPORACIÓN PROVINCIAL DO DÍA 28
DE MARZO DE 2025**

Ás 10.00 horas do día 28 de marzo de 2025, reúnese o Pleno da Corporación Provincial, en sesión ordinaria, no salón de sesións do Pazo Provincial, coa asistencia dos seguintes deputados e deputadas:

Presidente: Don Luís Menor Pérez

Deputados/as do Grupo Popular:

Don Rosendo Luís Fernández Fernández

Don Plácido Álvarez Dobaño

Don José Miguel Pérez Blecua

Don César Manuel Fernández Gil

Dona Ana Patricia Torres Madureira

Don José María Lago Cabo

Dona María Teresa Barge Bello

Dona Marta Novoa Iglesias

Don Jorge Pumar Tesouro

Don Manuel Seoane Rodríguez

Dona María del Carmen González Quintela

Deputados/as do Grupo Socialista:

Don Álvaro Vila Araújo

Don Emilio Luís Díaz Vidal

Don Diego Fernández Nogueira

Dona Marina Vaz Quintillán

Don Aurentino Alonso Araújo

Dona Susana Rodríguez Estévez

Dona Elvira Lama Fernández

Deputados/as do Grupo do BNG:

Don Bernardo Varela López

Dona María José Mangana Guede

Don Xosé Manuel Puga González.

Deputados do Grupo de Democracia Ourensana:

Don Antonio Fernández Martín

Don Gonzalo Pérez Jácome

Don Rafael Martínez Cachafeiro

Secretario: don Juan Marquina Fuentes

Interventora: dona Mónica Legaspi Díaz

O deputado de DO, don Gonzalo Pérez Jácome, ausentouse do salón de sesións cando se trataba o punto cinco da orde do día e non regresou.

O deputado de DO, don Antonio Fernández Martín, ausentouse do salón de sesións cando se trataba o punto sexto da sesión e regresou cando se trataba o punto oitavo.

Seguidamente iniciouse o tratamento dos asuntos incluídos na orde do día, do xeito que se reflicte a continuación e que está dispoñible integramente no Portal Vídeo Acta, no seguinte enlace: [ver vídeo acta](#)

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 28 DE FEBREIRO DE 2025.-

A Secretaría Xeral deu traslado do borrador da acta da sesión anterior, correspondente á ordinaria do día 28 de febreiro de 2025.

Non se producen intervencións e, por unanimidade, o Pleno adopta o seguinte acordo:

Aprobar a acta da sesión ordinaria do Pleno da Deputación Provincial do día 28 de febreiro de 2025, conforme co borrador elaborado pola Secretaría Xeral.

2º.- MODIFICACIÓN DA DATA DE REALIZACIÓN DAS COMISIÓNS INFORMATIVAS PERMANENTES PARA O MES DE ABRIL DE 2025.

D.^a Ana Patricia Torres Madureira, do Grupo Popular, expón o contido do ditame favorable da Comisión Informativa de Administración Provincial, Transparencia e Emerxencias.

A continuación prodúcese as intervencións que se recollen no punto 2º da vídeo acta da sesión, dispoñible no seguinte enlace: [ver punto 2](#)

Non se producen máis intervencións e, por unanimidade, o Pleno adopta o seguinte acordo: Modificar a data de realización das comisións informativas correspondentes ao mes de abril de 2025, que terán lugar todas o día 21, luns, a partir das 16.30 horas, e coa seguinte orde:

Administración Provincial, Transparencia e Emerxencias

Especial de Contas, Facenda e Recursos Humanos

Cooperación, Infraestruturas e Medio Rural

Políticas Sociais

Turismo, Termalismo e Medio Ambiente
Cultura, Educación, Deportes e Mocidade.

3º.- CREACIÓN E ADHESIÓN DA DEPUTACIÓN PROVINCIAL DE OURENSE A UNHA AGRUPACIÓN EUROPEA DE COOPERACIÓN TERRITORIAL (AECT) DENOMINADA “RAIA SECA Y GERÊS-XURÉS”

D. Plácido Álvarez Dobaño, do Grupo Popular, expón o contido do ditame favorable da Comisión Informativa de Administración Provincial, Transparencia e Emerxencias.

A continuación prodúcese as intervencións que se recollen no punto 3º da vídeo acta da sesión, dispoñible no seguinte enlace: [ver punto 3](#)

Non se producen máis intervencións e, por unanimidade, o Pleno adopta o seguinte acordo:

1º. Aprobar inicialmente o Convenio de Cooperación Territorial Europea entre a Comunidade Intermunicipal de Alto Minho (Portugal), a Comunidade Intermunicipal de Cavado (Portugal), a Comunidade Intermunicipal de Alto Tâmega e Barroso (Portugal) e a Deputación Provincial de Ourense (Galicia/España), con vistas á constituir a Agrupación Europea de Cooperación Territorial de Raia Seca e Gerês-Xurés - AECT Raia Seca y Gerês-Xurés.

2º. Aprobar inicialmente a Proposta de Estatutos da Agrupación Europea de Cooperación Territorial - AECT Raia Seca y Gerês-Xurés - entre a Comunidade Intermunicipal de Alto Minho (Portugal), a Comunidade Intermunicipal de Cávado (Portugal), a Comunidad Intermunicipal de Alto Tâmega e Barroso (Portugal) e a Deputación Provincial de Ourense (España).

3º. Adoptar o compromiso de incluír no Orzamento provincial o crédito necesario para facer fronte ás obrigas derivadas do réxime de financiamento previsto no artigo 7 da proposta de Estatutos da Agrupación Europea de Cooperación Territorial - AECT Raia Seca y Gerês-Xurés.

4º. Remitir certificación do presente acordo xunto coa xustificación de personalidade xurídica desta entidade local ao Ministerio de Política Territorial e Memoria Democrática, aos efectos da tramitación prevista no Real Decreto 23/2015, de 23 de xaneiro, polo que se adoptan as medidas necesarias para a aplicación efectiva do Regulamento (CE) n.º 1082/2006 do Parlamento Europeo e do Consejo, de 5 de xullo de 2006, sobre a Agrupación Europea de Cooperación Territorial (AECT), modificado polo Regulamento (UE) n.º 1302/2013 do Parlamento Europeo e do Consejo, de 17 de decembro de 2013.

4º.- RECOÑECIMIENTO EXTRAJUDICIAL DE CRÉDITO 2025.

D.^a Marta Nóvoa Iglesias, do Grupo Popular, expón o contido do ditame favorable da Comisión Informativa Especial de Contas, Facenda e Recursos Humanos.

A continuación prodúcese as intervencións que se recollen no punto 4º da vídeo acta da sesión, dispoñible no seguinte enlace: [ver punto 4](#)

Non se producen máis intervencións e co voto favorable do Grupo Popular (12), a abstención do Grupo Socialista (7) e de Democracia Ourensana (3) e o voto en contra do BNG (3) o Pleno adopta o seguinte acordo:

- Aprobar o expediente de recoñecemento extraxudicial de créditos n.º 2024/16029K e autorizar a imputación aos créditos de gasto do orzamento corrente de 2025, nas partidas orzamentarias correspondente, das facturas que aparecen recollidas na Resolución da Presidencia n.º 2025/3392, incorporada ao expediente administrativo electrónico núm. 2024/16029K, e CSV 15704543415566431541 (a autenticidade deste documento pode ser comprobada mediante o CSV indicado en <https://sede.depourense.es>).

5º.- APROBACIÓN INICIAL DA BASES REGULADORAS PROGRAMA DE COOPERACIÓN BENOURENSE PARA O SERVIZO DE AXUDA NO FOGAR BÁSICO PARA O EXERCICIO 2025.

D.^a Ana Patricia Torres Madureira, do Grupo Popular, expón o contido do ditame favorable da Comisión Informativa de Cooperación, Infraestruturas e Medio Rural.

A continuación prodúcese as intervencións que se recollen no punto 5º da vídeo acta da sesión, dispoñible no seguinte enlace: [ver punto 5](#)

Non se producen máis intervencións e co voto a favor do Grupo Popular (12) e do BNG (3) e a abstención do Grupo Socialista (7) e de Democracia Ourensana (2) o Pleno adopta o seguinte acordo:

1º.- Aprobar inicialmente das bases reguladoras do Programa BenOurense para o servizo de axuda no fogar básico para o exercicio 2025, co seguinte teor literal:

I.- Obxecto, fundamento competencial e dotación orzamentaria

Constitúe o obxecto deste Programa: BenOurense SAF básico, a regulación da concesión de subvencións en réxime de concorrencia non competitiva destinadas ás entidades locais da provincia de Ourense de menos de 20.000 habitantes que presten o servizo de atención no fogar básico (SAF básico). Inclúense tamén as mancomunidades intermunicipais que xestionen servizos sociais dun conxunto de municipios con menos de 20.000 habitantes, ao tratarse de meras entidades instrumentais dos concellos que exercen competencias delegadas por aqueles.

Este programa establécese no exercicio das competencias atribuídas á Deputación polos artigos 36.1.b) da Lei 7/1985, do 2 de abril, de bases do réxime local, 109.1.b) da Lei 5/1997, do 22 de xullo, de administración local de Galicia, 63 da Lei 13/2008, do 3 de decembro, de servizos sociais de Galicia e 31 do Decreto 99/2012, do 16 de marzo, modificado polo Decreto 148/2014, do 6 de novembro, polo que se regulan os servizos sociais comunitarios e o seu financiamento.

O presente programa estrutúrase en dúas accións:

1º) *Acción 1. Dixitalización do SAF*- Asistencia económica co obxecto de facilitarlle ás entidades locais a xestión dixitalizada do SAF a través dunha ferramenta informática contratada pola entidade local.

2º) *Acción 2. Cofinanciamento SAF Básico*.- Asistencia económica para o cofinanciamento da prestación do servizo de axuda no fogar básico - SAF básico.

Para a concesión destas axudas resérvase un crédito, dentro da partida orzamentaria 23111 46200 de 1.450.000,00€

II .- Beneficiarios

Acción 1. Dixitalización do SAF. Serán beneficiarias as entidades locais, de menos de 20.000 habitantes, que presten o SAF, e que xestionen xa ou decidan xestionar dixitalmente o SAF facendo uso dunha ferramenta informática contratada pola entidade local . Para que esta dixitalización sexa subvencionable, a ferramenta informática contratada terá que ofrecer, como mínimo, as prestacións recollidas no anexo I destas bases.

Serán subvencionables os gastos derivados da prestación deste servizo/subministración e que se recollan na/s factura/s emitidas ás entidades locais pola empresa responsable da prestación de dito servizo/subministro, de acordo ao establecido na base III.1.

Acción 2. Cofinanciamento do SAF Básico. A Deputación poderá recoñecerlles subvención a través deste Programa, en atención ao disposto no artigo 31.3 do Decreto 99/2012, do 16 de marzo, modificado polo Decreto 148/2014, do 6 de novembro, ás entidades locais da provincia de Ourense de menos de 20.000 habitantes, que presten o servizo de axuda no fogar básico- SAF básico, tanto nos supostos de xestión directa como de xestión indirecta do servizo ou a combinación de ambos.

Considerarase SAF básico para os efectos deste programa, aquel cuxas persoas usuarias accedan ao servizo en réxime de libre concorrência. Considerarase tamén como persoas usuarias en réxime de libre concorrência ás persoas que teñan recoñecido o estatuto de persoas dependentes no marco da Lei 39/2006, do 14 de decembro, de promoción da autonomía persoal e de atención ás persoas en situación de dependencia, en tanto o seu

programa de atención individualizada (PIA) non teña efectividade ou o devandito programa non contemple ou non poida dar cobertura ao número de horas de atención domicilia que, a criterio dos servizos sociais municipais, sexa necesario para a persoa usuaria, podendo xustificarse a cargo desta subvención aquelas horas que sexan cubertas a través do sistema de libre concorrência ás devanditas persoas beneficiarias.

III. - Contías das subvencións.

1. Acción 1: Dixitalización do SAF

A contía económica recoñecerase por entidade local adherida a esta liña de subvención que preste servizo de SAF Básico e está destinada á dixitalización da xestión do servizo de axuda no fogar, que se establecerá conforme aos seguintes criterios:

1.1. O importe máximo destinado a esta liña de subvención será de 202.500,00 €, que se repartirá entre todas as entidades locais adheridas e que así o manifesten no documento de adhesión segundo o modelo facilitado pola Deputación de Ourense. A contía máxima resultante non poderá ser superior a 2.500,00 € para as entidades locais de menos de 5.000 habitantes, e de 3.500,00 € para as entidades locais de 5.000 habitantes ou máis, sen prexuízo do previsto na base III 2.2 c). No caso de entidades que presten o servizo de SAF básico de forma mancomunada será a mancomunidade a tida en conta para a contía máxima prevista.

1.2. Logo do período de formalización da adhesión, unha vez feito o reparto económico e recoñecéndolles as contías ás entidades locais solicitantes ata os importes máximos establecidos anteriormente, a contía sobrante incorporárase á Acción 2: Cofinanciamento do SAF básico, e será repartido conforme aos criterios recollidos no apartado III.2.1.c)

1.3. A contía máxima prevista para cada entidade local queda condicionada, en todo caso, á contía xustificada e que será a correspondente á/s factura/s xerada/s pola empresa elixida para a prestación do servizo/subministración de dixitalización á data de xustificación desta subvención.

No caso daquelas entidades locais que se adhiran a esta Acción 1 e xustifiquen gastos nesta liña de subvención, pero non consuman a totalidade da subvención máxima recoñecida, o importe non xustificado incrementárase de forma automática á contía recoñecida para a Acción 2.

2. Acción 2: Cofinanciamento da prestación do SAF básico:

2.1. O importe da subvención por entidade local determínase da forma seguinte:

- a) Tramo fixo lineal: asígnase a cada entidade local unha contía fixa de 1.500,00 €.

b) Tramo fixo reto demográfico: asígnase un tramo fixo segundo o grao no que estea clasificado o concello adherido en atención “á prioridade demográfica”, tal e como establecen os criterios recollidos no Anexo II. Os concellos aparecen clasificados por graos no Anexo III e as contías asignadas deste tramo fixo son as seguintes:

- Concellos clasificados como “sen prioridade”: 2.000,00 €
- Concellos clasificados como grao 1: 3.000,00 €
- Concellos clasificados como grao 2: 3.500,00 €
- Concellos clasificados como grao 3: 4.000,00 €

c) Tramo variable: para o cálculo deste tramo aplicárase a ratio de cobertura por habitante recollido no anexo III do Decreto 99/2012, do 16 de marzo, modificado polo Decreto 148/2014, do 6 de novembro, asignándose un importe por unidade de convivencia resultante de dividir o crédito orzamentario dispoñible – logo de restarlle o importe total destinado aos tramos fixos-, entre o número de unidades existentes, conforme co seguinte:

c.1) Concellos de áreas caracterizadas como semiurbanas:

- De 10.000 a 20.000 habitantes: 1 unidade de convivencia atendida por cada 400 habitantes.
- Menos de 10.000 habitantes: 1 unidade de convivencia atendida por cada 350 habitantes.

c.2) Concellos de áreas caracterizadas como áreas rurais:

- De 12.000 a 20.000: 1 unidade de convivencia atendida por cada 250 habitantes.
- Menos de 12.000: 1 unidade de convivencia atendida por cada 175 habitantes.

c.3) Concellos de áreas rurais de alta dispersión: 1 unidade de convivencia por cada 75 habitantes.

Nos supostos en que o SAF básico sexa prestado por mancomunidades, a contía será o resultado de sumar as cantidades correspondentes dos distintos concellos que a integran.

O cadro de distribución inicial das subvencións por entidades beneficiarias, cos importes correspondentes conforme coas regras precedentes, figura como Anexo IV do presente Programa.

d) Tramo esforzo económico: Resérvase un orzamento inicial de 50.000,00 € para repartir trala adhesión ao Programa entre aquelas entidades locais adheridas que, segundo os datos xustificadas do último exercicio pechado, conste unha aportación de financiamento propio ao servizo axuda no fogar básico de, como mínimo, un 30 % do custo neto do SAF BÁSICO xustificado.

As contías que se lles asignarán resultarán da aplicación das regras de reparto económico descrito no apartado c) para o “tramo variable”.

- e) Aquelas entidades locais, que soliciten a súa adhesión a esta Acción 2, e que tivesen sen executar nos dous últimos exercicios, dos que se teñen datos, un 20 % ou máis do importe da subvención concedida, minoraráselle un 20% a contía resultante no reparto definitivo efectuado trala adhesión.

Este remanente engadirase ao remanente xerado daquelas entidades que renuncien a contías durante a adhesión, e incrementará o orzamento inicial previsto para o tramo d) “tramo esforzo económico”, e repartirase segundo se recolle nese apartado.

2.2. A contía máxima inicial prevista por entidade local, e que aparece recollida no anexo IV deste programa, ou en todo caso, a contía da subvención concedida que conste na correspondente resolución, queda condicionada a que esta contía non supere o custo neto do SAF básico para a entidade local, calculado de xeito mensual, conforme ás regras seguintes:

- a) Xestión directa do servizo:

O custo total do SAF estará determinado pola suma dos seguintes custos:

- O custo total do persoal auxiliar de axuda no fogar (básico e dependencia).
- O custo dos desprazamentos do persoal de axuda no fogar (básico e dependencia).

A partir do custo do SAF total determinarase o custo bruto do SAF básico multiplicando o custo do SAF total (básica e dependencia), polo número de horas de servizo prestadas de SAF básico xestión directa, e dividindo o resultado entre o número de horas SAF totais prestadas con xestión directa (básico + dependencia).

- b) Xestión indirecta do servizo: o custo bruto do SAF básico será o que apareza reflectido na factura emitida pola adxudicataria do servizo.

- c) Á contía resultante correspondente ao custo bruto do SAF básico, tanto para a xestión do servizo directa coma a indirecta ou á suma de ambas as dúas, poderá sumárselle ata un máximo dun 15% da contía total da subvención en concepto de “outros gastos ou custos do servizo” e outro 15% para “gastos de dixitalización do SAF básico”.

Entenderanse como “outros gastos ou custos do servizo”, gastos de persoal indirectamente relacionados coa prestación do SAF de coordinación e/ou control administrativo de servizo (distinto á/ao traballador/a social), gastos relativos á formación prevista na base XI.1, gastos en material funxible (luvas, máscaras, material desinfectante ...), ou análogos.

Entenderase como “gastos de dixitalización do SAF básico”, aqueles gastos asumidos pola entidade local para xestionar e/ou implementar a xestión informática do servizo e que

superen o importe da subvención recoñecido na Acción 1 e sexan directamente imputables (asistencia técnica, parte económica asumida directamente pola entidade local na implementación e/o xestión do servizo etc.)

Obtido o custo bruto do SAF básico de xeito mensual, tanto para a xestión directa coma para a xestión indirecta, e sumado o importe en “outros gastos”, e o importe de “gastos de dixitalización” o seu custo neto será a diferenza entre o custo bruto e os ingresos liquidados pola entidade local (ou entidade que xestione o servizo por conta da entidade local) en concepto de taxas ou prezos públicos pola súa prestación.

A determinación do custo neto do SAF básico obtido da forma indicada aparecerá reflectido na Memoria económica asinada pola persoa responsable da secretaría/intervención da entidade local correspondente, e será o gasto efectivamente xustificado para os efectos deste Programa.

IV.- Procedemento de adhesión dos concellos e mancomunidades

Ao abeiro do establecido na Lei 39/2015, do 1 de outubro, do procedemento administrativo común das administracións públicas, no artigo 14.2, a presentación de solicitudes tramitarase exclusivamente mediante o uso de medios electrónicos, sendo obrigatoria a presentación de solicitudes conforme co previsto nesta base.

Os concellos e mancomunidades interesados en participar no Programa deberán comunicarlles a súa adhesión á Deputación Provincial, mediante resolución da Alcaldía/Presidencia (ou órgano delegado, se é o caso), na que se manifeste expresamente a asunción das obrigas e compromisos previstos no Programa, para o que deberán utilizar obrigatoriamente os modelos que poñerá á súa disposición a Deputación.

O modelo normalizado porase a disposición pola Deputación e nel recolléase a certificación da alcaldía/presidencia e unha declaración responsable doutras axudas e subvencións concedidas ao concello para o mesmo servizo pola Deputación de Ourense.

O prazo de presentación da adhesión será de 15 días hábiles contados a partir do día seguinte ao da publicación no BOP do extracto desta convocatoria na Base de Datos Nacional de Subvencións. Non se admitirá ningunha solicitude de adhesión formulada en data posterior.

Unha vez rematado o prazo de presentación de solicitudes a Área de Benestar procederá á instrución do expediente e realizará a comprobación da documentación presentada.

Unha vez examinada a documentación, a Deputación Provincial poderá conceder un prazo de ata 10 días hábiles para a corrección de deficiencias nas solicitudes de adhesión.

A presentación da solicitude telemática en tempo e forma determinará a adhesión da entidade local, sen necesidade de máis trámites. Sen prexuízo do anterior, e para os efectos de publicidade, as subvencións concedidas e os seus importes declararanse expresamente mediante resolución da Presidencia que será obxecto de publicación no BOP e na sede electrónica da Deputación de Ourense. Nesta mesma resolución da Presidencia denegarase a adhesión a aquelas entidades cuxa solicitude non se axuste ao establecido no presente programa ou no modelo de adhesión teñan declarado o recoñecemento doutra subvención incompatible coa prevista neste programa.

A adhesión das entidades locais beneficiarias constitúe un requisito de efectividade do Programa, polo que as entidades locais que non se adhiran no prazo sinalado no parágrafo anterior entenderase que renuncian a participar no Programa, causando baixa automática nas súas previsións. Neste suposto, os remanentes de cofinanciamento non utilizados incrementarán o importe total asignado ao resto dos concellos segundo as normas de reparto recollidas nas base III.2.1. c) e a contía resultante será na que se incremente a contía xa recollida para cada un destes concellos no Anexo IV destas bases.

Coa adhesión, os concellos e mancomunidades manifestarán expresamente a asunción das obrigas previstas neste programa.

V.- Réxime xurídico

De conformidade co establecido na disposición adicional 8ª da Lei xeral de subvencións e no artigo 10 da Ordenanza xeral de subvencións da Deputación de Ourense, as subvencións previstas no presente Programa rexeranse polo establecido nas presentes bases, sendo as normas da Lei xeral de subvencións e da dita ordenanza de aplicación supletoria.

Non obstante o anterior, serán de aplicación as normas xerais das subvencións da Deputación en todo o relativo á xustificación, reintegro, perda do dereito á subvención e control financeiro, no que non contradiga expresamente o establecido nas presentes bases.

VI.- Xustificación e pagamento

As subvencións previstas neste programa entenderanse automaticamente concedidas ás entidades locais adheridas regularmente conforme coa base IV, procedéndose á súa xustificación e pagamento nos seguintes termos:

1. Pago anticipado a conta da xustificación final:

Antes do 30 de xuño de 2025, a Deputación Provincial procederá, de oficio, ao libramento, en concepto de anticipo para xustificar, do 80 % do importe total de subvención previsto a

cada concello. O 20% restante aboaráselle unha vez remitida a xustificación final conforme o previsto nestas bases.

Para proceder ao libramento da subvención, tanto na fase de anticipo como na de pago final, as entidades locais beneficiarias deberán presentar declaración responsable de non estar incurso nas prohibicións previstas no artigo 13 da Lei 38/2003, do 17 de novembro, xeral de subvencións, para obter a condición de beneficiario/a, substituindo esta declaración á presentación de certificacións na acreditación do cumprimento das obrigas tributarias e coa Seguridade Social por tratarse dun dos supostos previstos na letra e) do artigo 31.7 da Lei 9/2007, do 13 de xuño, de subvencións de Galicia. Esta declaración farase segundo o modelo do Anexo V que pon a disposición a Deputación de Ourense.

2. Xustificación e pago final.

Ata o 30 de novembro de 2025, as entidades locais beneficiarias poderán presentar a documentación xustificativa da/s subvención/s concedida/s asinada dixitalmente e segundo os formularios facilitados pola Área de Benestar da Deputación. O prazo de presentación da xustificación final terá carácter improrrogable.

A xustificación final do programa, na Acción 1, poderá incluír :

- Os gastos efectuados correspondentes ás facturas emitidas pola mercantil prestadora do servizo/subministración de dixitalización, a data de 31 de outubro de 2025.
- Os gastos comprometidos coa mercantil prestadora do servizo/subministración ata decembro do ano 2025.

No caso da Acción 2, poderase incluír:

- Os gastos efectuados do SAF básico ata o 31 de outubro de 2025.
- Os gastos comprometidos para os meses de novembro e decembro de 2025, no caso de quereiros xustificar.

Para o libramento da subvención as entidades beneficiarias deberán presentar os seguintes formularios normalizados:

Acción 1: Dixitalización do SAF

1. Certificación de gastos efectuados, emitida pola persoa responsable da intervención/secretaría, onde deixe constancia das prestacións mínimas garantidas pola empresa en coherencia co contido do anexo I destas bases.
2. Facturas emitidas pola empresa contratada a data de presentación da xustificación.
3. De ser o caso, certificado de gastos comprometidos que se deriven da dixitalización do SAF ata decembro de 2025, asinado polo órgano que teña encomendada a intervención da entidade.

Acción 2: Cofinanciamento do SAF.

1. Certificación de gastos efectuados do SAF básico, dende o 1 de xaneiro ata o 31 de outubro de 2025, asinada pola persoa responsable da intervención/secretaría.
2. Memoria económica do SAF, relativa aos gastos efectuados, dende o 1 de xaneiro ao 31 de outubro de 2025, asinada pola persoa responsable da intervención/secretaría.
3. No caso de querer xustificar gastos correspondentes aos meses de novembro e decembro de 2025, poderán presentar un certificado de gastos comprometidos asinado polo órgano que teña encomendada a intervención da entidade.

En ambos casos, ademais presentarase:

- a) Declaración responsable de non estar incurso nas prohibicións previstas no art. 13 da Lei 38/2003, do 17 de novembro, xeral de subvencións.
- b) Actualización á Declaración responsable de subvencións e axudas percibidas para a mesma finalidade xa aportadas na fase de solicitude
- c) Achegaranse, xunto cos formularios, as mostras gráficas das medidas de información e publicidade adoptadas pola entidade local, de acordo co establecido na base XI (fotografía cartel, capturas páxina web...).

As certificacións de gastos executados e comprometidos e as memorias que teñen que aportarse deberá estar asinadas polos responsables da secretaría/intervención, e, no caso da Acción 2, os datos reflectirán o sistema de cálculo do custo bruto e neto recollido na base III.2.2., segundo corresponda o tipo de xestión directa ou indirecta do servizo, deberá de estar firmada electronicamente polo/a funcionario/a responsable dos servizos de intervención da entidade beneficiaria. Os gastos estarán referidos única e exclusivamente á anualidade 2025, obxecto desta convocatoria.

As notificación das resolucións ditadas pola Presidencia correspondentes ao pagamento anticipado e de xustificación e pagamento final serán substituídas pola súa publicación na sede electrónica da Deputación de Ourense.

Aquelas entidades que non presenten a xustificación unha vez finalizado o prazo final previsto nestas bases, terán unha penalización equivalente ao 20% da subvención no caso de que finalmente xustifiquen a subvención, ao abeiro do previsto no artigo 70.3 do Regulamento da Lei xeral de subvencións.

En aplicación ao previsto no artigo 71 do Regulamento da Lei xeral de subvencións, cando se aprecien defectos subsanables na documentación de xustificación, porase en coñecemento do beneficiarios concedéndoselle un prazo de dez días para a súa corrección.

VII.- Obrigas de reintegro e perda do dereito a cobro

A Deputación Provincial poderá declarar a obriga de reintegro ou a perda do dereito a cobro da subvención, segundo proceda, por calquera das causas previstas na lexislación xeral de subvencións e nas bases do presente programa.

Non obstante o anterior, non será necesaria a tramitación do expediente de reintegro ou de perda do dereito a cobro nos supostos no que o importe do gasto xustificado (correspondente ao custo neto do SAF básico e á contía para dixitalización) polas entidades locais beneficiarias sexa inferiores ás contías iniciais máximas das subvencións previstas neste programa. Neste supostos, a cantidade que deberá aboarse axustarase automaticamente segundo proceda, compensándose do mesmo xeito co anticipo librado, de ser o caso.

VIII. Compatibilidades con outras axudas ou subvencións públicas.

Estas axudas serán incompatibles con calquera outra axuda ou subvención outorgada pola Deputación de Ourense para a mesma finalidade e o mesmo exercicio orzamentario.

IX.- Réxime de protección de datos achegados coa solicitude

1.- O tratamento pola Deputación Provincial dos datos persoais achegados polos solicitantes fúndase no disposto apartado c) e e) do artigo 6 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, así como no artigo 6.2 da Lei orgánica 3/2018, do 5 de decembro, de protección dos datos persoais e garantía dos dereitos dixitais, ao ser a achega dos datos e informacións esixida nas presentes bases necesaria para o cumprimento do disposto na lexislación xeral de subvencións, así como para a comprobación do cumprimento dos requisitos e valoración das solicitudes consonte ao indicado nas propias bases.

En consecuencia, a negativa a facilitarlle estes datos á Deputación Provincial determinará a exclusión do interesado do procedemento.

2.- En cumprimento do establecido no artigo 13 do Regulamento UE 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos, infórmase aos interesados do seguinte:

a) O responsable do tratamento dos datos é a Deputación Provincial de Ourense, cuxo representante legal é o seu presidente, con domicilio para os efectos de notificacións na rúa Progreso, n.º 32, 32003, en Ourense, teléfono de contacto 988317600/1 e correo electrónico: gabinete.presidencia@depourense.gal.

b) O delegado de protección de datos da Deputación Provincial de Ourense, para os efectos do seu contacto ou reclamacións, atópase dispoñible no correo electrónico: dpd@depourense.gal.

c) Os datos subministrados coa solicitude destínanse unicamente a garantir o cumprimento do establecido na lexislación xeral de subvencións, a comprobar que o solicitante reúne os requisitos establecidos para poder ser beneficiario. Ademais, e en cumprimento do establecido nos artigos 20 da Lei 38/2003 xeral de subvencións, 15 da Lei 9/2007, de subvencións de Galicia e 8.1.c) da Lei 19/2013, do 9 de decembro, de transparencia e bo goberno, a información relativa ás subvencións concedidas, alí prevista, será obxecto de publicación segundo se prevé na normativa de aplicación. Publicaranse igualmente na sede electrónica e na páxina web provincial www.benourense.depourense.gal. As publicacións referidas manteranse durante un prazo mínimo de catro anos dende a realización da publicación, podendo, a partir dese prazo, ser suprimida de xeito motivado a publicación de oficio pola Deputación Provincial ou ben a solicitude dos interesados, dirixida ao responsable do tratamento. En todo caso, as solicitudes e o resto de documentación obrante no expediente atoparase a disposición doutros interesados no procedemento para os seus efectos da formulación de reclamacións ou interposición de recursos que legalmente procedan contra o acto de resolución, e baixo a condición de que os datos de identidade persoal dos interesados non se poidan facer públicos.

d) A base xurídica do tratamento dos datos achegados coa solicitude é a necesidade deses datos para o cumprimento das obrigas legais que impón a lexislación xeral de subvencións, en tanto que Administración pública concedente (artigo 6.1.c) do Regulamento UE 2016/679) e, no caso dos datos para acreditación do cumprimento dos requisitos específicos da convocatoria e valoración de solicitudes, a necesidade deses datos para dar satisfacción á finalidade de interese público perseguida coa presente convocatoria (artigo 6.1.e) do Regulamento UE 2016/679).

e) Os datos subministrados á Deputación Provincial serán tratados polo persoal autorizado para a tramitación da solicitude, suxeitos a deber de reserva.

Estes datos poderán ser cedidos a terceiras persoas nos seguintes casos:

- Ao resto de solicitantes ou os seus representantes legais cando así o reclamen para a formulación de reclamacións ou interposición de recursos contra o acto de adxudicación
- Aos membros da Corporación que o soliciten, aos xulgados e tribunais, para os efectos da resolución dos recursos xudiciais que poidan interpoñerse contra a decisión de adxudicación, así como ao Ministerio Fiscal, Valedor do Pobo, Defensor do Pobo, Tribunal

de Contas e Consello de Contas, na medida en que sexa necesario para o exercicio das funcións destas autoridades públicas.

- Ás persoas que o soliciten ao abeiro do disposto na Lei 19/2013, do 9 de decembro, de transparencia e bo goberno, previo expediente contradictorio con audiencia do interesado titular dos datos e nos termos previstos na dita lei.

f) En ningún caso se transferirán os seus datos persoais a un terceiro país nin a unha organización internacional.

g) Os datos subministrados conservaranse nos arquivos da Deputación Provincial de forma indefinida, para os únicos efectos da súa conservación conforme ao disposto na lexislación sobre arquivos do sector público e na lexislación sobre patrimonio documental cultural.

h) Os interesados poderán solicitar en todo momento da Presidencia da Deputación o acceso aos seus datos, así como a súa rectificación, de ser o caso. Poderá solicitarse a limitación do tratamento dos ditos datos, referida á súa publicación, unha vez transcorrido o prazo de catro anos previsto nas presentes bases. Poderá formularse igualmente a oposición ao tratamento dos datos, motivada pola situación particular do interesado, nos termos previstos no artigo 21 do Regulamento UE 2016/679.

Os dereitos sinalados neste apartado poderán exercerse mediante escrito dirixido á Presidencia da Deputación Provincial. De conformidade co disposto no artigo 20.3 do Regulamento UE 2016/679, non será de aplicación o dereito á portabilidade dos datos subministrados á Deputación Provincial neste procedemento.

i) En todo caso, os interesados poderán formular as reclamacións que consideren oportunas en relación co tratamento dos seus datos persoais ante a Axencia Española de Protección de Datos.

j) A falla de subministración á Deputación Provincial dos datos persoais requiridos, ao constituír un requisito legal para a selección dos beneficiarios, dará lugar á exclusión dos interesados do procedemento.

k) En ningún caso se procederá á adopción de decisións automatizadas nin á elaboración de perfís persoais cos datos subministrados, que non serán obxecto de tratamentos diferentes aos expresamente previstos nesta cláusula.

X. Control financeiro das subvencións

Sen prexuízo das obrigas de xustificación impostas aos beneficiarios, as actuacións de prestación de servizos sociais comunitarios das entidades locais adheridas que constitúen o obxecto das subvencións previstas neste programa quedarán suxeitas ás actuacións de

control financeiro que poida acordar a Intervención da Deputación, ao longo do exercicio 2025. O control financeiro incluírá a actuación de supervisión e control das actividades subvencionadas, tanto no relativo á prestación dos servizos como á súa xestión e tramitación administrativa e realizarase de conformidade co disposto na base 83 do orzamento xeral para o ano 2025 da Deputación Provincial de Ourense.

XI.- Obrigas das entidades locais adheridas:

Con independencia da obriga de sometemento ao control financeiro previsto na base xeral anterior, as entidades locais adheridas ao presente programa estarán obrigadas a:

1.- Promover e levar a cabo accións/actuacións formativas de sensibilización e prevención en saúde mental e de promoción da igualdade entre homes e mulleres, dirixidas ás persoas que exercen os coidados das persoas beneficiarias do servizo de axuda no fogar básico. A entidade local beneficiaria promoverá a realización de sesión/s formativa/s que terá/n unha duración mínima de 2h. anuais e que deberá contar cun contido deseñado e axustado ao público ao que vai dirixido. Dita formación poderá ser impartida, entre outros, polos profesionais dos servizos sociais da propia entidade local, con titulacións de traballo social, educación social, psicoloxía

As accións realizadas recolleranse na memoria de execución na fase de xustificación.

2.- Facilitarlles aos servizos da Deputación Provincial toda a información relativa ao funcionamento do SAF básico que se lles demande. A negativa a facilitar esta información, ou a demora inxustificada no seu envío, poderá lugar á exclusión da entidade local do presente Programa, coa conseguinte perda do dereito a cobro ou reintegro, segundo proceda, das subvencións percibidas ou concedidas ao seu abeiro, ou ao reintegro ou perda parcial dos ditos dereitos, en función da gravidade do incumprimento. A declaración de reintegro ou perda total ou parcial do dereito á subvención será resolta pola Presidencia da Deputación, tras a tramitación previa do oportuno expediente contradictorio con audiencia da entidade interesada.

3.- A identificar o servizo cofinanciado pola Deputación de Ourense, dende o momento en que se publique a resolución de concesión da subvención no Boletín Oficial da Provincia de Ourense. As entidades beneficiarias no momento da xustificación da subvención deberán remitirlle á Deputación de Ourense fotografías nas que conste a identificación do servizo como co financiado pola Deputación e que responderá as normas de información e publicidade que se farán chegar pola Deputación de Ourense para que sexan observadas polas entidades adheridas. O incumprimento das obrigas de publicidade dará lugar ao reintegro ou perda do dereito ao cobro da subvención, con carácter parcial, e ata un importe

do 20 % da subvención concedida, determinándose de conformidade co principio de proporcionalidade e en atención á gravidade do incumprimento comprobado. A declaración da obriga de reintegro ou da perda do dereito ao cobro da subvención será realizada por resolución da Presidencia da Deputación, tras a tramitación previa do oportuno expediente contradictorio con audiencia da entidade interesada.

ANEXO I

PRESTACIÓNS MÍNIMAS DA FERRAMENTA INFORMÁTICA DE XESTIÓN DO SAF

A ferramenta informática contratada pola entidade local beneficiaria de subvención polo Programa BenOurense SAF 2025, deberá ofrecer como mínimo as seguintes prestacións:

1. Necesidades básicas do persoal técnico municipal xestor do SAF e procesos de transformación dixital.
 - 1.1. Xestión electrónica dos documentos técnicos do SAF.
 - 1.2. Elaboración automatizada dos documentos do Plan de Intervención.
 - 1.3. Xestión da lista de espera do Servizo.
 - 1.4. Xeración e arquivo dos informes de seguimento das persoas beneficiarias.
 - 1.5. Xeración automática dos informes de incidencias relacionados coa execución do servizo.
 - 1.6. Elaboración telemática de Memorias de xestión.
 - 1.7. Xestión e almacenamento electrónico dos documentos técnicos do SAF.
2. Xestión telemática e control dos/as auxiliares de axuda no fogar.
 - 2.1. Control de asistencia dos/as auxiliares de axuda no fogar.
 - 2.2. Exportación do ficheiro de rexistro da xornada laboral, según o RD 18/2019.
 - 2.3. Análise automático das discrepancias entre os tempos de servizo previstos e os tempos realizados.
 - 2.4. Xeración automatizada de axendas de traballo semanais/mensuais e actualizacións de horarios.
 - 2.5. Cómputo mecánico das horas traballadas polos/as auxiliares, tendo en conta a asignación de servizos, coberturas, IT...
 - 2.6. Control da execución do SAF con empresa prestataria (xestión indirecta).
3. Xestión financeira do SAF.
 - 3.1. Realización automática do cálculo do copago mensual.
 - 3.2. Emisión automatizada de recibos de copago aos beneficiarios do SAF. Xeración de remesas bancarias e emisión de ficheiros.
 - 3.3. Configuración automatizada de cartas para o envío de comunicacións/recibos.

- 3.4. Xeración de informes de custos económicos do SAF.
4. Explotación de datos para o control do SAF
 - 4.1. Xeración automática de informes de datos da prestación de servizo, según parámetros demandados pola entidade local.
 - 4.2. Xeración automática de listaxes para a elaboración de Memorias de Xestión.
 - 4.3. Xestión da posibilidade de xerar, archivar, consultar e exportar todo tipo de listaxes e expedientes para a xustificación anual das distintas subvencións e/ou organismos.
 - 4.4. Repositorio/ arquivo documental.

ANEXO II

CRITERIOS PARA A APLICACIÓN DA PERSPECTIVA DO RETO DEMOGRÁFICO E CLASIFICACIÓN DOS CONCELLOS DA PROVINCIA DE OURENSE.

A FEMP elaborou, en abril de 2017, o *“Documento de acción da Comisión de despoboamento: listaxe de medidas de loita contra este fenómeno demográfico”*, recolléndose neste documento, nas súas consideracións previas, que *“a regresión demográfica converteuse nun problema de Estado e como tal ten que respondérselle dende unha perspectiva de gobernanza multinivel que, na práctica, conleva a implicación de todas as administracións públicas en todas as súas fronteiras de acción”*.

O citado documento enumera as *“catro figuras”* que poden explicar os desafíos demográficos aos que hai que enfrontarse multidimensional e multiescalarmente:

- A baixa densidade,
- O envellecemento,
- A caída da natalidade e
- A perda continuada da poboación.

Desde a FEMP propónse unha rigorosa formulación de medidas prácticas que incorporen a loita contra o despoboamento como un principio para ter en conta en todos os plans e liñas de acción das administracións públicas.

A “Comisión de despoboamento” da FEMP, que desde a súa constitución en 2016 vén reclamando a adopción dunha Estratexia Nacional contra o despoboamento, pide que se reforce o papel das deputacións provinciais, cabidos e consellos insulares, como entidades de referencia e liderado nas políticas de sostemento e atención á poboación rural, intensificando a orientación das políticas das deputacións cara á corrección de desequilibrios demográficos no seu ámbito territorial, mediante a garantía dos servizos públicos de competencia local e o fomento do desenvolvemento económico e social de carácter endógeno.

Seguindo esta formulación, a Deputación Provincial de Ourense ten creado dentro da súa estrutura política a Área de Reto Demográfico, Igualdade e Políticas Sociais, e dentro da súa organización administrativa a Área de Benestar, coas funcións de impulso e execución das políticas provinciais nos referidos eidos, respectivamente.

Deste xeito, dende o exercicio 2019, por estas Áreas vense establecendo unha clasificación dos concellos de Ourense, en aplicación aos criterios de reto demográfico que neste documento se recollen, coa finalidade de que os mesmos sexan aplicados a todos os programas de cooperación coas entidades locais da provincia e bases reguladoras de subvencións que as referidas áreas promovan durante o exercicio 2025.

1. DATOS OFICIAIS EMPREGADOS.

Para garantir o estrito cumprimento dos principios de obxectividade e transparencia, a continuación indícanse os rexistros oficiais que se empregan para a aplicación da perspectiva do reto demográfico e a clasificación dos concellos nos graos que se indicarán.

DATO	REXISTRO OFICIAL	ENLACE	DATA
Inclusión nunha área urbana	Atlas estatístico das áreas urbanas de España do ministerio do Interior	https://www.mivau.gob.es/urbanismo-y-suelo/suelo/atlas-estadistico-de-las-areas-urbanas	Diciembre de 2023
Poboación oficial	INE	https://www.ine.es/jaxiT3/Datos.htm?t=2885	Publicado: 13/12/2024
Variación da poboación (2014-2023)	INE	https://www.ine.es/jaxiT3/Datos.htm?t=2885	Publicado: 13/12/2024. Elaboración propia a partir de los datos oficiales del Ine
Superficie do termo municipal	IGE	http://www.ige.eu/igebdt/esq.jsp?idioma=es&paxina=000&c=-1&ruta=verEjesApi.jsp?COD=77&M=&S=&RET=	2011
Densidade de poboación	INE/IGE	https://www.ine.es/jaxiT3/Datos.htm?t=2885	Población INE 2023-Superficie IGE 2011. Elaboración propia calculada con los datos del ine para población y del Ige para superficie
Índice de envelhecimento	INE/IGE	https://www.ige.eu/igebdt/selector.jsp?COD=5310&p	Elaboración Propia con datos de Población de 2023 (publicados el 03/05/2024, que son los disponibles segmentados por edad y por ayuntamiento)

Taxa de natalidade	IGE	http://www.ige.eu/igebdt/selector.jsp?COD=227&paxina=001&c=0201002001	Elaboración Propia con datos de nacimientos segundo sexo por ayuntamientos años 2021-2022 y 2023 que son los definitivos a 03/05/2024
--------------------	-----	---	--

2. CLASIFICACIÓN INICIAL DOS CONCELLOS DA PROVINCIA DE OURENSE

a) Clasificación Primaria dos Concellos da Provincia de Ourense.

1. Sen Prioridade Demográfica: Estarán incluídos dentro desta clasificación aqueles concellos que cumpran algunha das seguintes condicións:

- Estar incluídos nunha área urbana, en aplicación ao “atlas estatístico das áreas urbanas de España: Áreas Urbanas de España 2024” publicada polo anteriormente chamado Ministerio de Fomento, actualmente Ministerio de Transportes, Movilidade e Axenda Urbana.
- Ter máis de 10.000 habitantes.
- Ter entre 5.000 e 10.000 habitantes, e gañar poboación na última década

2. Con Prioridade Demográfica: Estarán incluídos dentro desta clasificación os concellos non incluídos nunha área urbana en aplicación ao atlas estatístico e nos que concorran ademáis, algunha das seguintes características:

- Ter unha poboación menor ou igual a 5.000 habitantes.
- Ter unha poboación entre 5.000 e 10.000 habitantes e que perderan poboación na última década.

b) Clasificación Secundaria dos Concellos da Provincia de Ourense

Aqueles concellos que, na clasificación primaria sexan considerados “**con prioridade demográfica**”, obterán un GRAO. Os graos son: **Grao 1, Grao 2 e Grao 3**, onde o Grao 1 será o de menor intensidade e o Grao 3 o de maior intensidade.

Os concellos incluídos na clasificación “**sen prioridade demográfica**”, obterán un **Grao 0**.

3. APLICACIÓN DOS CRITERIOS PARA DETERMINAR A “PRIORIDADE DEMOGRÁFICA” DOS CONCELLOS.

Os criterios que se teñen en conta para determinar a “prioridade demográfica” dos concellos da provincia, son os seguintes:

1.- Poboación.

Os concellos clasificaranse en :

- Ata 1.000 habitantes.
- De 1001 a 5.000 habitantes.

- De 5001 a 10.000 habitantes.
- De 10.001 a 20.000 habitantes.

Para determinar a poboación para os efectos da convocatoria tívose en conta a cifra oficial de poboación INE do ano 2024.

2.- Situación Xeográfica.

Establécese unha diferenza entre:

- Concellos pertencentes a “ áreas urbanas” do atlas estatístico das áreas urbanas. Concellos que non pertencen a unha “área urbana” do atlas estatístico das áreas urbanas .

3.- Perda da poboación.

Diferéncianse entre:

- Concellos que gañaron poboación na década 2014-2023.
- Concellos que perderon poboación nunha porcentaxe menor ao 10% na década 2014-2023.
- Concellos que perderon entre un 10% e un 15% de poboación na década 2014-2023
- Concellos que perderon máis dun 15% e menos dun 20% de poboación última década 2014-2023.
- Concello que perderon un 20% ou máis de poboación na década 2014-2023

4.- Densidade demográfica municipal.

Neste índice tense en conta a relación entre a cifra de poboación municipal e a súa superficie, expresada en quilómetros cadrados.

En atención a este criterio a clasificación será:

- Concello con densidade igual ou inferior a 10 habitantes/km2 .
- Concellos con densidade maior a 10 habitantes/km2 e menor a 15 habitantes/km2.
- Concellos con densidade igual ou maior a 15 habitantes/km2 e menor a 20 habitantes/km2
- Concellos con densidade igual ou maior a 20 habitantes/km2

5.- Índice de envellecemento.

Para o cálculo deste índice tense en conta a relación entre a cantidade de persoas adultas maiores e a cantidade de nenos e novos; calcularase o cociente entre persoas de máis de 64 anos –segundo cifras de poboación publicadas polo INE e referidas ao ano 2023¹-, e as

¹ Trátase dos últimos definitivos publicados polo INE segmentados por idades e concellos á data de redacción deste documento.

persoas menores de 15 anos , e este cociente será multiplicado por 100 para obter este índice.

Segundo o cal os concellos se clasificarán entre:

- Concellos cuxo índice sexa superior a 750.
- Concellos cuxo índice sexa igual ou superior a 600 e inferior ou igual a 750.
- Concellos cuxo índice sexa inferior a 600.

6.- Taxa de Natalidade.

Esta taxa obterase do cálculo de relacionar o número de nados vivos por cada 1000 habitantes en cada municipio, para o que se tomará a cifra media de nacementos segundo os datos publicados polo IGE e referidos aos anos 2021,2022,2023² ,en atención ao que os concellos clasificaranse en :

- Taxa inferior a 2.
- Taxa igual ou superior a 2 e inferior a 3.
- Taxa igual ou superior a 3.

4. CLASIFICACIÓN DOS CONCELLOS: SEN / CON PRIORIDADE DEMOGRÁFICA E GRAO 0 / 1 / 2 / 3.

Aplicando os criterios indicados nos apartados anteriores, os concellos obterán unha das dúas posibles clasificacións:

1. Sen prioridade demográfica

Serán considerados “concellos sen prioridade demográfica”, aqueles incluídos nunha “área urbana”, en aplicación ao Atlas Estatísticos das Áreas Urbanas de España do Ministerio de Fomento ou que cumpran, algunha das seguintes condicións:

- Ter unha poboación maior a 10.000 habitantes.
- Ter unha poboación entre 5.000 e 10.000 habitantes e que na última década gañasen poboación.

2. Con prioridade demográfica

Aqueles concellos non clasificados como “sen prioridade demográfica” serán considerados como “con prioridade demográfica”, e, serán os que obteñan a clasificación en GRAO en aplicación aos criterios seguintes:

GRAO 1.

Serán considerado como GRAO 1 aqueles concellos que cumpran algunha das seguintes condicións:

- Poboación igual ou inferior a 5.000 habitantes.

² Trátase dos últimos datos definitivos publicados polo IGE neste concepto segmentados por idades e concellos.

- Poboación maior a 5.000 habitantes que presentan perda de poboación na última década.

Cando un concello é clasificado como de “prioridade demográfica”, automaticamente considéraselle en GRAO 1.

Para ser clasificado de Grao 2 ou de Grao 3, terán, ademais de ser considerados “ con prioridade demográfica”, ou grao 1, cumprir as condicións do Grao 2, ou do Grao 3.

En todo caso, se un mesmo concello pode ser clasificado en mais dun grao, consideráraselle sempre no grao superior por ser de condicións máis vantaxosas.

GRAO 2.

Concellos Con prioridade demográfica , que ademais cumpre algunha das seguintes realidades:

- Concellos de menos de 1.000 habitantes que na última década perdese entre un 15% e un 20% da súa poboación.
- Concellos de menos de 1.000 habitantes que teñan unha densidade de poboación superior a 10 habitantes/km² e inferior a 15 habitantes/km²
- Concellos de menos de 1.000 habitantes cunha taxa de envellecemento superior a 750 .
- Concellos de menos de 1.000 habitantes cun índice de natalidade inferior a 3.
- Concellos de 1.000 habitantes ou mais de 1.000 habitantes que na última década perdesen máis de 15% da súa poboación.
- Concellos de 1.000 habitantes ou mais de 1.000 habitantes que presentan unha densidade de poboación menor de 15h/km²
- Concellos de 1.000 habitantes ou mais de 1.000 habitantes cunha taxa de envellecemento superior a 750.
- Concellos de 1.000 habitantes ou mais de 1.000 habitantes cun índice de natalidade menor a 2.

GRAO 3.

Concellos con prioridade demográfica que, ademais, cumpre algunha das circunstancias seguintes:

- Concellos de menos de 1.000 habitantes, cunha perda de poboación na década 2014-2023 maior ao 20%
- Concellos de menos de 1.000 habitantes, cunha densidade de poboación menor a 10 h/km².

- Concellos de menos de 1.000 habitantes, cunha perda de poboación na década 2013-2023 maior ao 15% e menor do 20% e onde ademais cúmprese algunha das seguintes características:
 - Teñen unha taxa de envellecemento superior a 750 e/ó
 - Teñen unha taxa de natalidade inferior a 2

ANEXO III

CLASIFICACIÓN DOS CONCELLOS DA PROVINCIA DE OURENSE EN FUNCIÓN DOS CRITERIOS DA PERSPECTIVA DO RETO DEMOGRÁFICO.

	CONCELLO	CLASIFICACIÓN PRIORIDADE DEMOGRÁFICA
1	Allariz	sen prioridade
2	Amoeiro	Grao 1
3	Arnoia, A	Grao 1
4	Avión	Grao 2
5	Baltar	Grao 3
6	Bande	Grao 2
7	Baños de Molgas	Grao 1
8	Barbadás	sen prioridade
9	Barco de Valdeorras, O	sen prioridade
10	Beade	Grao 3
11	Beariz	Grao 2
12	Blancos, Os	Grao 3
13	Boborás	Grao 2
14	Bola, A	Grao 2
15	Bolo, O	Grao 3
16	Calvos de Randín	Grao 3
17	Carballeda de Avia	Grao 2
18	Carballeda de Valdeorras	Grao 2
19	Carballiño, O	sen prioridade
20	Cartelle	Grao 2

21	Castrelo de Miño	Grao 2
22	Castrelo do Val	Grao 3
23	Castro Caldelas	Grao 2
24	Celanova	sen prioridade
25	Cenlle	Grao 1
26	Chandrexa de Queixa	Grao 3
27	Coles	Grao 1
28	Cortegada	Grao 1
29	Cualedro	Grao 2
30	Entrimo	Grao 2
31	Esgos	Grao 1
32	Gomesende	Grao 3
33	Gudiña, A	Grao 2
34	Irixo, O	Grao 2
35	Larouco	Grao 3
36	Laza	Grao 2
37	Leiro	Grao 1
38	Lobeira	Grao 3
39	Lobios	Grao 2
40	Maceda	Grao 1
41	Manzaneda	Grao 3
42	Maside	Grao 2
43	Melón	Grao 2
44	Merca, A	Grao 1
45	Mezquita, A	Grao 2
46	Montederramo	Grao 3
47	Monterrei	Grao 2
48	Muíños	Grao 2
49	Nogueira de Ramuín	Grao 1
50	Oímbra	Grao 1
51	Ourense	sen prioridade
52	Paderne de Allariz	Grao 1
53	Padrenda	Grao 2
54	Parada de Sil	Grao 3
55	Pereiro de Aguiar	sen prioridade

56	Peroxa, A	Grao 1
57	Petín	Grao 1
58	Piñor	Grao 2
59	Pobra de Trives, A	Grao 1
60	Pontedeva	Grao 3
61	Porqueira	Grao 2
62	Punxín	Grao 1
63	Quintela de Leirado	Grao 3
64	Rairiz de Veiga	Grao 2
65	Ramirás	Grao 2
66	Ribadavia	Grao 1
67	Riós	Grao 2
68	Rúa, A	Grao 1
69	Rubiá	Grao 2
70	San Amaro	Grao 2
71	San Cibrao das Viñas	sen prioridade
72	San Cristovo de Cea	Grao 2
73	San Xoán de Río	Grao 3
74	Sandiás	Grao 2
75	Sarreaus	Grao 2
76	Taboadela	Grao 1
77	Teixeira, A	Grao 3
78	Toén	Grao 1
79	Trasmiras	Grao 2
80	Veiga, A	Grao 3
81	Verea	Grao 3
82	Verín	sen prioridade
83	Viana do Bolo	Grao 2
84	Vilamarín	Grao 1
85	Vilamartín de Valdeorras	Grao 1
86	Vilar de Barrio	Grao 2
87	Vilar de Santos	Grao 1
88	Vilardevós	Grao 2
89	Vilariño de Conso	Grao 3
90	Xinzo de Limia	Grao 1
91	Xunqueira de Ambía	Grao 2

ANEXO IV**CONTÍAS INICIAIS SAF BÁSICO 2025**

	CONCELLO	REPARTO INICIAL CONTÍAS 2025
1	Allariz	27.546,75
2	Amoeiro	13.499,71
3	Arnoia, A	8.138,90
4	Avión	11.478,74
5	Baltar	8.699,98
6	Bande	17.893,71
7	Baños de Molgas	10.142,17
8	Barbadás	21.842,68
9	Barco de Valdeorras, O	38.425,93
10	Beade	6.873,03
11	Beariz	8.560,12
12	Blancos, Os	8.186,03
13	Boborás	13.249,42
14	Bola, A	9.092,82
15	Bolo, O	8.471,14
16	Calvos de Randín	7.915,93
17	Carballeda de Avia	9.479,22
18	Carballeda de Valdeorras	10.030,68
19	Carballiño, O	40.461,09
20	Cartelle	14.378,61
21	Castrelo de Miño	9.846,86
22	Castrelo do Val	9.067,62
23	Castro Caldelas	15.836,67
24	Celanova	24.984,51
25	Cenlle	8.536,55
26	Chandrexa de Queixa	9.684,11
27	Coles	16.399,58

28	Cortegada	8.341,48
29	Cualedro	10.949,79
30	Entrimo	14.444,88
31	Esgos	8.634,09
32	Gomesende	7.990,96
33	Gudiña, A	15.381,49
34	Irixo, O	10.090,71
35	Larouco	7.139,38
36	Laza	9.366,68
37	Leiro	10.055,89
38	Lobeira	11.784,92
39	Lobios	20.931,13
40	Maceda	15.142,84
41	Manzaneda	12.485,19
42	Maside	15.286,46
43	Melón	9.160,35
44	Merca, A	11.687,76
45	Mezquita, A	13.805,89
46	Montederramo	11.364,76
47	Monterrei	13.992,21
48	Muíños	17.412,27
49	Nogueira de Ramuín	12.182,95
50	Oímbra	10.918,72
51	Ourense	0
52	Paderne de Allariz	9.571,95
53	Padrenda	10.754,71
54	Parada de Sil	10.069,26
55	Pereiro de Aguiar	28.750,96
56	Peroxa, A	11.106,29
57	Petín	7.729,99
58	Piñor	9.197,86

59	Pobra de Trives, A	21.726,62
60	Pontedeva	7.218,16
61	Porqueira	8.121,20
62	Punxín	7.332,34
63	Quintela de Leirado	7.728,36
64	Rairiz de Veiga	9.422,95
65	Ramirás	10.657,18
66	Ribadavia	23.017,12
67	Ríos	10.278,28
68	Rúa, A	20.342,34
69	Rubiá	10.214,50
70	San Amaro	8.897,75
71	San Cibrao das Viñas	14.225,37
72	San Cristovo de Cea	12.461,62
73	San Xoán de Río	10.034,24
74	Sandiás	9.175,36
75	Sarreaus	9.010,29
76	Taboadela	10.082,15
77	Teixeira, A	8.353,60
78	Toén	8.876,06
79	Trasmiras	9.576,76
80	Veiga, A	8.827,53
81	Verea	9.082,63
82	Verín	39.733,68
83	Viana do Bolo	28.949,21
84	Vilamarín	11.455,17
85	Vilamartín de Valdeorras	11.335,13
86	Vilar de Barrio	9.497,98
87	Vilar de Santos	7.482,40
88	Vilardevós	11.234,90
89	Vilariño de Conso	9.964,22

90	Xinzo de Limia	40.633,89
91	Xunqueira de Ambía	10.071,95
92	Xunqueira de Espadanedo	8.024,72
		1.197.500,00

ANEXO V

Declaración responsable de non estar incurso en prohibicións para obter a condición de beneficiario de subvencións e de estar ao corrente das obrigacións tributarias e coa Seguridade Social e no pago de obrigacións por reintegro de subvencións

Don/Dona.....,

NIF....., en nome propio, ou en representación da entidade con NIF.....,

En virtude do disposto no artigo 69 da Lei 39/2015, do 1 de outubro, do procedemento administrativo común das administracións públicas e considerando os apartados 2 e 3 do artigo 13 da Lei 38/2003, do 17 de novembro, xeral de subvencións, así como as bases reguladoras da presente convocatoria de subvencións que establecen un réxime simplificado de acreditación destas circunstancias ao abeiro do disposto no artigo 31.7 da Lei 9/2007, do 13 de xuño, de subvencións de Galicia, **declara responsablemente** ante a Deputación Provincial de Ourense, e para os efectos de acreditar o cumprimento dos requisitos esixidos para ser beneficiaria da subvención solicitada e posteriormente proceder ao cobro desta:

Primeiro: que non se atopa incurso en ningún dos supostos establecidos no artigo 13, apartados 2 e 3, da Lei 38/2003, do 17 de novembro, xeral de subvencións.

Segundo: que se atopa ao corrente no pago das obrigacións tributarias e coa Seguridade Social, así como no pago das obrigacións por reintegro de subvencións, **comprometéndose a manter o cumprimento das anteriores obrigacións durante o período de tempo inherente ao recoñecemento ou exercicio do dereito ao cobro da subvención**, de acordo co disposto no artigo 31.7 da Lei 9/2007, do 13 de xuño, de subvenciones de Galicia, co artigo 69.1 da Lei 39/2015, así como a acreditalo en calquera momento no que lle sexa requirido polo órgano que concede a subvención.

Manifesto que quedo informado da obrigación de comunicarlle á Deputación Provincial de Ourense calquera variación que puidera producirse no sucesivo respecto ao anteriormente manifestado, e para que así conste, asina a presente declaración.

_____, _____ de _____ de _____

Asdo.:

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, conforme co establecido no artigo 10 da Ordenanza xeral de subvencións da Deputación Provincial de Ourense, durante os cales as entidades interesadas poderán formular as alegacións ou suxestións que consideren oportunas, que serán resoltas expresamente polo Pleno. No caso de non formularse alegacións en prazo, entenderase elevado a definitivo o acordo de aprobación provisional.

6º.- ACEPTACIÓN DA DELEGACIÓN E APROBACIÓN DA INCORPORACIÓN AO SERVIZO DE RECOLLIDA DA FRACCIÓN PAPEL-CARTÓN E AOS FLUXOS ECONÓMICOS CORRESPONDENTES DA ENTREGA A XESTOR DO CONCELLO DE MONTERREI A PARTIR DO 1 DE ABRIL DE 2025.

Tras a ratificación previa da inclusión do asunto na orde do día, **D. José María Lago Cabo, do Grupo Popular**, dá conta da proposta da Presidencia.

O debate dos puntos 6º e 7º tivo lugar conxuntamente tras o acordo de todos os grupos políticos na Xunta de Portavoces.

A continuación prodúcese as intervencións que se recollen no punto 6º da vídeo acta da sesión, dispoñible no seguinte enlace: [ver punto 6](#)

Non se producen máis intervencións e, por maioría de todos os presentes, o Pleno adopta o seguinte acordo:

Aprobar a incorporación da recollida de residuos da fracción papel-cartón e os seus fluxos económicos do Concello de Monterrei consonte ao Convenio entre Xunta de Galicia e Ecoembes, con efectos do 1 de abril de 2025, representando un fluxo económico derivado do residuo entregado a xestor que ascende á cantidade estimada de douscentos cincuenta e oito euros con oitenta e oito céntimos para una ano enteiro e cento noventa e catro euros con dezaseis céntimos para os nove meses do ano 2025.

A aceptación da delegación do exercicio das competencias municipais en materia de recollida de papel-cartón con respecto ao Concello de Monterrei realizarase baixo a seguinte condicións:

- a) A delegación terá carácter indefinido.
- b) O concello resérvase o dereito a revoga-la delegación, con suxeición ás seguintes regras:

- A revogación deberá comunicárselle á Deputación, mediante achega de certificación do acordo plenario correspondente.
 - Os acordos de revogación terán efectividade o 1 de xaneiro do ano natural seguinte a aquel no que se comunique, sempre que se comuniquen cunha antelación mínima de seis meses; en caso contrario, a súa efectividade demorarase ata o 1 de xaneiro de ano natural con respecto ó que se cumpra ese prazo de comunicación.
- c) O exercicio da competencia delegada por parte da Deputación Provincial non implicará custo ningún para o concello de Monterrei.
- d) A Deputación Provincial manterá informado periodicamente ó concello de Monterrei dos resultados da xestión realizada, sen prexuízo do dereito do concello a obter información detallada en calquera momento, trala solicitude previa por escrito á administración provincial.
- e) O concello de Monterrei prestará a colaboración necesaria á Deputación Provincial para facilitar a xestión delegada do servizo.
- f) A xestión delegada do servizo por parte da Deputación Provincial axustarase, en todo momento, o Convenio entre Xunta de Galicia e Ecoembes ou se é o caso nas condicións establecidas no instrumento que poida substituílo no futuro.
- g) A Deputación Provincial de Ourense facturará ó sistema de responsabilidade ampliada do produtor que proceda os conceptos previstos no convenio, aplicando os ingresos correspondentes.

Coa aceptación da delegación do exercicio das competencias municipais en materia de recollida de papel-cartón con respecto ao concello de Monterrei aplicarase a Ordenanza provincial reguladora da prestación do servizo intermunicipal de recollida, transporte e eliminación de residuos de competencia local prestado pola Deputación de Ourense en réxime de competencia delegada (BOP nº 51 de 17 de marzo de 2025).

7º.- ACEPTACIÓN DA DELEGACIÓN E APROBACIÓN DA INCORPORACIÓN AO SERVIZO DE RECOLLIDA DA FRACCIÓN PAPEL-CARTÓN E AOS FLUXOS ECONÓMICOS CORRESPONDENTES DA ENTREGA A XESTOR DO CONCELLO DE LAZA A PARTIR DO 1 DE ABRIL DE 2025.

Tras a ratificación previa da inclusión do asunto na orde do día, **D. José María Lago Cabo, do Grupo Popular**, dá conta da proposta da Presidencia.

O debate deste asunto tivo lugar conxuntamente co punto 6º da orde do día que está recollido no punto 6º da vídeo acta da sesión, dispoñible no seguinte enlace: [ver punto 6](#)

Non se producen máis intervencións e, por maioría de todos os presentes, o Pleno adopta o seguinte acordo:

Aprobar a incorporación da recollida de residuos da fracción papel-cartón e os seus fluxos económicos do Concello de Laza consonte ao Convenio entre Xunta de Galicia e Ecoembes, con efectos do 1 de abril de 2025, representando un fluxo económico derivado do residuo entregado a xestor que ascende á cantidade estimada de cento vinte seis euros con noventa céntimos para una ano enteiro e noventa e cinco euros con dezaseis céntimos para os nove meses do ano 2025.

A aceptación da delegación do exercicio das competencias municipais en materia de recollida de papel-cartón con respecto ao Concello de Laza realizarase baixo a seguinte condicións:

- a) A delegación terá carácter indefinido.
- b) O concello resérvase o dereito a revoga-la delegación, con suxeición ás seguintes regras:
 - A revogación deberá comunicárselle á Deputación, mediante achega de certificación do acordo plenario correspondente.
 - Os acordos de revogación terán efectividade o 1 de xaneiro do ano natural seguinte a aquel no que se comunique, sempre que se comuniquen cunha antelación mínima de seis meses; en caso contrario, a súa efectividade demorarase ata o 1 de xaneiro de ano natural con respecto ao que se cumpra ese prazo de comunicación.
- c) O exercicio da competencia delegada por parte da Deputación Provincial non implicará custo ningún para o Concello de Laza.
- d) A Deputación Provincial manterá informado periodicamente ao Concello de Laza dos resultados da xestión realizada, sen prexuízo do dereito do concello a obter información detallada en calquera momento, trala solicitude previa por escrito á administración provincial.
- e) O Concello de Laza prestará a colaboración necesaria á Deputación Provincial para facilitar a xestión delegada do servizo.
- f) A xestión delegada do servizo por parte da Deputación Provincial axustarase, en todo momento, o Convenio entre Xunta de Galicia e Ecoembes ou se é o caso nas condicións establecidas no instrumento que poida substituílo no futuro.

- g) A Deputación Provincial de Ourense facturará ao sistema de responsabilidade ampliada do produtor que proceda os conceptos previstos no convenio, aplicando os ingresos correspondentes.

Coa aceptación da delegación do exercicio das competencias municipais en materia de recollida de papel-cartón con respecto ao Concello de Laza se aplicará a Ordenanza provincial reguladora da prestación do servizo intermunicipal de recollida, transporte e eliminación de residuos de competencia local prestado pola Deputación de Ourense en réxime de competencia delegada (BOP nº 51 de 17 de marzo de 2025).

8º.- MOCIÓN DO GRUPO SOCIALISTA PARA AVANZAR CARA A MELLORA DOS MECANISMOS DE FINANCIAMENTO DOS CONCELLOS DA PROVINCIA DE OURENSE

D. Álvaro Vila Araujo, do Grupo Socialista, expón o contido da seguinte moción:

Os concellos da provincia de Ourense, nomeadamente os máis pequenos, enfróntanse a diversos problemas de financiamento que afectan á súa capacidade de prestación de servizos básicos e o mantemento da súa propia viabilidade. Entre os desafíos que afectan á súa capacidade destacan: 1) o despoboamento e envellecemento da poboación, 2) o infrafinanciamento, 3) a burocracia e complexidades administrativas, e 4) a necesaria cooperación intermunicipal. Dunha banda, moitos dos nosos municipios experimentan perdas de habitantes e elevados índices de envellecemento, que reducen a base impositiva ao tempo que incrementan a demanda de certos servizos. Segundo un informe do Consello de Contas, esta tendencia ameaza a viabilidade de ata 36 concellos ourensáns. Amais, a distribución dos fondos públicos non sempre reflicte as urxencias dos concellos máis pequenos, limitando a súa capacidade para financiar proxectos e servizos esenciais.

Coa chea de carga burocrática e a implementación de novas normativas aumentan as obrigas administrativas dos concellos, que a miúdo carecen de persoal e recursos suficientes para xestionalas eficientemente, introducindo unha complexidade engadida na prestación de servizos e execución de proxectos locais. Para paliar estas dificultades, expertos en administración e financiamento local suxiren avanzar cara fórmulas mancomunadas ou mesmo a fusión de concellos, co obxecto de optimizar recursos e mellorar a eficacia e eficiencia na prestación de servizos. A modo de exemplo, Red Localis avoga por esta colaboración coma instrumento para reforzar o financiamento e a sustentabilidade dos pequenos municipios. En resumo, polas devanditas causas e algunhas outras casuísticas, os concellos máis miúdos de Ourense confrontan retos de chamado en materia de financiamento que ameazan a súa competencia e suficiencia.

A cuantificación da infrafinanciación dos concellos ourensáns é complexa debido á variabilidade nas necesidades e recursos de cadaquén. Porén, diversos estudos sinalan indicadores que permiten entender a magnitude deste problema. Especialistas e representantes municipais instan á revisión do sistema de financiamento local para adaptalo ás necesidades vixentes. A modificación do actual mecanismo é reivindicado pola Federación Galega de Municipios e Provincias (Fegamp), que destaca a insuficiencia de recursos que afecta a unha porcentaxe significativa de concellos, sobre todo no que atinxe ás áreas de servizos sociais e axuda á dependencia. Tras anos de loita, nesta lexislatura 2023-2027 puxemos en marcha na Deputación de Ourense un novo instrumento de financiamento para entidades locais, o Plan CooperOU, que, ben que incrementa os recursos dispoñibles para investimentos, gasto e amortización de débedas; aínda se entoxa moi insuficiente.

O Fondo de Cooperación Local (FCL) é o principal instrumento de colaboración económica e financeira da Xunta de Galicia coas entidades locais, que aspira a garantir a participación das facendas locais nos ingresos da Comunidade Autónoma e a suficiencia financeira dos concellos. O FCL divídese en dúas partes principais, cun fondo base, que é unha contía fixa destinada a todos os concellos, que en 2025 ascenderá a 112,9 millóns de euros; e un fondo adicional, como partida variable destinada a proxectos específicos ou a concellos con características particulares, como aqueles con menos de 15.000 habitantes, e que neste exercicio será de 55,1 millóns de euros. Secasí, tal e como sinala a Federación Galega de Municipios e Provincias (FEGAMP), o fondo base permanece conxelado desde 2010, afectando á capacidade financeira dos concellos. E aínda que no DOG de 12 de marzo do 2025 se publica unha orde de 5 de marzo do 2025 que inclúe unha dotación adicional de 5 millóns de euros para o fondo adicional ao Fondo de Cooperación Local destinado aos concellos cunha poboación inferior a 15.000 habitantes; é evidente que o aumento non cobre as necesidades dos municipios de Galicia.

As eivas de financiamento son senlleiras en Ourense. Imponse unha actualización do financiamento local para adaptalo ás necesidades específicas dos nosos concellos, garantindo a súa suficiencia e capacidade para prestar servizos de calidade. Imponse incrementar o fondo base do FCL para dar conta das urxencias actuais das administracións locais e permitir unha mellor planificación financeira. Imponse establecer mecanismos claros para o financiamento da pléiade de competencias que os concellos asumen sen ter asignados recursos necesarios. Imponse unha meirande flexibilidade na asignación de fondos a prol dunha máis ampla autonomía dos concellos na xestión dos fondos,

adaptándose ás súas continxencias específicas e promovendo proxectos acaídos co desenvolvemento local. Imponse a posta ao día do FCL, coma ferramenta fundamental para o financiamento dos concellos ourensáns, onde os retos demográficos e económicos esixen unha atención particular.

*Por todo o exposto o Grupo Provincial Socialista presenta as seguintes **PROPOSTAS DE ACORDO**:*

PRIMEIRA.- Demandar do Goberno do Estado que afronte de xeito urxente a reforma en profundidade do financiamento das administracións locais, conxuntamente coa actualización do financiamento das comunidades autónomas, tal e como reivindica a Federación Española de Municipios y Provincias (FEMP) para mellorar os recursos ao dispor das entidades locais e, nomeadamente, fortalecer o desenvolvemento dos municipios rurais, garantindo a igualdade no acceso aos servizos públicos e outorgando as mesmas oportunidades á cidadás e cidadáns, independentemente do seu lugar de residencia.

SEGUNDA.- Demandar da Xunta de Galicia a actualización do Fondo de Cooperación Local (FCL) para adaptalo ás necesidades específicas dos concellos da provincia de Ourense, garantindo a súa capacidade e viabilidade para prestar servizos de calidade á veciñanza, dando conta das urxencias actuais das entidades locais e habilitar unha mellor planificación financeira, na liña do esixido pola Federación Galega de Municipios e Provincias (FEGAMP) para incrementar as contías do FCL, incluír neste fondos que na actualidade chegan aos concellos a través doutras vías e buscar novas fórmulas de financiamento para axudar aos entes locais.

A continuación prodúcese as intervencións que se recollen no punto 8º da vídeo acta da sesión, dispoñible no seguinte enlace: [ver punto 8](#)

Non se producen máis intervencións someténdose a votación a moción e, co voto a favor do Grupo Socialista (7), do BNG (3) e de Democracia Ourensana (2) e a abstención do Grupo Popular (12), o Pleno adopta o seguinte acordo:

PRIMEIRA.- Demandar do Goberno do Estado que afronte de xeito urxente a reforma en profundidade do financiamento das administracións locais, conxuntamente coa actualización do financiamento das comunidades autónomas, tal e como reivindica a Federación Española de Municipios y Provincias (FEMP) para mellorar os recursos ao dispor das entidades locais e, nomeadamente, fortalecer o desenvolvemento dos municipios rurais, garantindo a igualdade no acceso aos servizos públicos e outorgando as mesmas oportunidades á cidadás e cidadáns, independentemente do seu lugar de residencia.

SEGUNDA.- Demandar da Xunta de Galicia a actualización do Fondo de Cooperación Local (FCL) para adaptalo ás necesidades específicas dos concellos da provincia de Ourense, garantindo a súa capacidade e viabilidade para prestar servizos de calidade á veciñanza, dando conta das urxencias actuais das entidades locais e habilitar unha mellor planificación financeira, na liña do esixido pola Federación Galega de Municipios e Provincias (FEGAMP) para incrementar as contías do FCL, incluír neste fondos que na actualidade chegan aos concellos a través doutras vías e buscar novas fórmulas de financiamento para axudar aos entes locais.

9º.- MOCIÓN DO GRUPO POPULAR RELATIVA AO SUPERÁVIT ORZAMENTARIO DO ANO 2024.-

A esta moción presentáronse dúas emendas de engádegas, unha do BNG, que é aceptada polo grupo propoñente da moción e outra do Grupo Popular que tamén é aceptada. Tamén é aceptada unha emenda “in voce” do Grupo Socialista.

D.ª Ana Patricia Torres Madureira, do Grupo Popular, expón o contido da seguinte moción:

Actualmente encontrámonos en situación de prórroga dos Presupostos Xerais do Estado do ano 2023, debido a que non se aprobou unha nova Lei de Presupostos Xerais para o ano 2025, nin se definiron os obxectivos de estabilidade e sostibilidade financeira para este ano.

Neste contexto, as entidades locais, descoñecen a situación na que quedan as Regras Fiscais para o ano 2025 e por tanto descoñecen como se aplicará o artigo 32 da Lei Orgánica 2/2012 de Estabilidade Presupostaria e Sostibilidade Financeira en relación co destino do superávit orzamentario, así como a posibilidade de destinar o superávit do ano 2024, ao establecido na Disposición Adicional Sexta da mencionada Lei Orgánica.

Na mencionada Disposición tamén viña regulado que cando as corporacións locais despois de atender as obrigacións pendentes de aplicar ao orzamento nos termos establecidos na normativa contable e orzamentaria que lle resulte de aplicación, tendo o resto de obrigas pendentes de pago con provedores, contabilizadas e aplicadas o exercicio anterior e destinara o saldo correspondente para amortizar as devanditas obrigas para que non se incorra en treminos de déficit, o restante saldo positivo poderase destinar a financiar inversións sempre que esta sexa financeiramente sostible.

Este punto dálle ao concellos e deputacións a oportunidade de facer investimentos en Saneamento, abastecemento e distribución de augas, recollida, eliminación e tratamento de residuos, iluminación pública, protección e mellora do medio ambiente, mellora das

estruturas agropecuarias e dos sistemas produtivos, industria, enerxía, comercio, promoción turística, etc...

Dada a actual situación financeira de deputacións e concellos e o retraso do Goberno de España en abordar o novo sistema de financiación autonómica para que unha vez establecido este, pactar o novo sistema de financiación local que permita ás entidades locais facer fronte ao incremento dos prezos dos gastos correntes así como do capítulo de persoal e prestación de servizos aos cidadáns, é imprescindible determinar canto antes “os obxectivos de estabilidade e sostibilidade financeira que serían de aplicación ás entidades locais no caso de que non se aproben os novos obxectivos para el ano 2025”.

Neste contexto, é necesario que concellos e deputacións poidan destinar o superávit do ano 2024 nas mesmas condicións que o ano anterior, nos termos que establece a disposición adicional sexta, que regula as de regras especiais para o destino do superávit orzamentario.

En virtude de todo o exposto, o Grupo Provincial Popular propón ao pleno os seguinte

ACORDO:

Instar ao Goberno de España a que aprobe un Real Decreto Lei que permita a prórroga do destino do superávit do ano 2024, para as entidades locais no ano 2025, nos termos que establece a disposición adicional sexta da Lei Orgánica 2/2012 de Estabilidade Orzamentarias e Sostibilidade Financeira, que regula unha serie de regras especiais para o destino do superávit orzamentario, que van desde a realización de inversións financeiramente sostibles ao pago a provedores ou a amortización de débeda.

A continuación prodúcese as intervencións que se recollen no punto 10º da vídeo acta da sesión, dispoñible no seguinte enlace: [ver punto 9](#)

Non se producen máis intervencións someténdose a votación a moción e, por maioría de todos os presentes, o Pleno adopta o seguinte acordo:

1. Instar ao Goberno de España a que aprobe un Real Decreto Lei ou disposición normativa axeitada que permita a prórroga do destino do superávit do ano 2024, para as entidades locais no ano 2025, nos termos que establece a disposición adicional sexta da Lei Orgánica 2/2012 de Estabilidade Orzamentarias e Sostibilidade Financeira, que regula unha serie de regras especiais para o destino do superávit orzamentario, que van desde a realización de inversións financeiramente sostibles ao pago a provedores ou a amortización de débeda sen que este gasto sexa computable a efectos da regra do gasto.
2. Instar á FEMP e á FEGAMP para que reclamen ao Goberno Central a eliminación das regras fiscais, con carácter retroactivo ao 1 de xaneiro de 2025 en adiante, en prol de facilitar a gobernanza das entidades locais e Deputacións Provinciais.

10.- MOCIÓN DO BNG ANTE A DECLARACIÓN DE ZONA VULNERABLE POR NITRATOS NA COMARCA DA LIMIA.-

A esta moción presentouse unha emenda de engádegas do Grupo Popular que é aceptada polo grupo propoñente da moción.

D. Bernardo Varela López, do BNG, expón o contido da seguinte moción:

Nestas pasadas semanas vimos de ter a constatación do que xa se sabía desde fai anos: a comarca da Limia vai ser declarada como Zona Vulnerable por Nitratos (ZVN).

Xa nos anos 90, e diante da problemática de contaminación de augas, tanto superficiais como soterradas, no norte de Europa, especialmente nos Países Baixos, a antiga CEE promulga unha "Directiva de Nitratos" no que xa se falaba de zonas vulnerables. E póñense en marcha normativas que regulan: as Zonas Vulnerables, Cadencia de 4 anos para revisión e Obriga de establecer un Programa de Actuación ou Plan de Acción.

No ano 2000 desenvólvese a Directiva Marco da Auga (DMA) que pasa a fixar condicións máis estritas. Esta Directiva promove un uso sostible da auga, garantindo que as actividades humanas como agricultura, industria, abastecemento urbano, non comprometan a dispoñibilidade e calidade deste recurso.

E xa no ano 2022 o Decreto 47/2022, "protección das augas contra a contaminación difusa producida polos nitratos procedentes de fontes agrarias", desenvolve, regula e fixa un prazo máximo de 3 anos, que rematan en maio de 2025, para a Declaración de Zonas Vulnerables por Nitratos, pero exclusivamente por contaminación provinte de actividades agrarias e/ou gandeiras. Neste Decreto preséntase un mapa do Estado con zonas susceptibles de ser declaradas ZVN froito de analíticas feitas por distintos organismos oficiais e que configura a situación actual.

Tamén establece un prazo máximo de dous anos para elaborar un Plan de Acción, desde o decreto de declaración de ZVN e reducir a contaminación. As condicións establecidas nese Plan de Acción deben ser revisadas cada catro anos. Todo parece indicar que a Xunta de Galiza vai esgotar o prazo de 24 meses, intentando que o tempo amañe a situación, cousa que por desgraza non vai acontecer.

Paralelamente a todo isto, no ano 2020, a Consellaría de Medio Rural contrata unha asistencia técnica para elaborar o Plan Estratéxico da Limia, como paso previo para a declaración da comarca como Zona Vulnerable por Nitrato. O traballo, coas correspondentes propostas foi entregado á Consellería, mais nunca o presentaron na súa integridade e

limitáronse a ir facendo o máis sinxelo: arranxo de pistas e campaña promoción da IXP Pataca de Galicia.

Desde este grupo provincial do BNG, en reiteradas ocasións temos solicitado información sobre este Plan Estratéxico, sen ter resposta concreta sobre o seu contido.

Xa máis recentemente, no pleno de outubro do ano 2022 da Deputación de Ourense o grupo provincial do BNG presentamos unha “moción para a adopción de medidas urxentes ante o problema de contaminación nas comarcas da Limia e a ameaza de declaración das mesmas como zona vulnerable”. Moción na que se advertía do inminente risco declaración de ZVN se non se actuaba de forma urxente. Moción pola que se rematou adoptando de xeito unánime tres acordos: en primeiro lugar, reclamar da Xunta de Galiza que a través da Consellería do Medio Rural fixese público con carácter inmediato o “Plan Estratéxico do Sector Agrario da Limia” xa rematado en novembro do ano 2021 e que se implementasen con carácter inmediato os fondos necesarios para comezar a executar as súas determinacións neste mesmo ano 2022. En segundo lugar acordábase reclamar da Confederación Hidrográfica Miño-Sil que como organismo da Conca do Río Limia emprendese as accións conducentes a minimizar a contaminación das augas e a mellora e optimización dos sistemas de regadío. E en terceiro lugar, instábase da Xunta de Galiza que fixese público e en que estado se atopaba o expediente de declaración da Limia como “Zona Vulnerable por Nitratos” e que medidas tiña tomado ata ese instante para evitar esa declaración, se é que efectivamente tiña tomado algunha.

O pasado luns 24 de febreiro 2025, a Xunta de Galiza convoca en Ourense unha xuntanza con alcaldes e alcaldesas da comarca da Limia (9 concellos): Sarreaus, Xinzo, Trasmiras, Os Blancos, Rairiz de Veiga, Porqueira, Sandiás, Xunqueira de Ambía e Vilar de Santos. Nesa xuntanza, as persoas que representan á Xunta de Galiza, anuncian a inminencia da declaración de Zona Vulnerable para a comarca, trasladando críticas dirixidas ao Ministerio de Transición Ecolóxica e tamén ao Ministerio de Agricultura, suxeríndoas como as responsables da situación, tratando de eludir a súa responsabilidade.

E advirten de que, dalgún xeito, podemos “ser intervidos” pola EU, xa que, a través dunha suposta “comisión técnica”, poden visitar o noso territorio e determinar accións máis restritivas para a os sectores produtivos. Tamén lle trasladan a representantes do sector produtor, que a declaración como Zona Vulnerable NON VAI TER REPERCUSIÓNS NIN LIMITACIÓNS: TOTALMENTE FALSO!!!

Para afondar na improvisación e a inacción diante desta difícil situación para o sector agrario e gandeiro da comarca da Limia, tratan de explicar que non se implementaron medidas

concretas (o Plan da Limia) en tempo e forma debido á expectativa de que as mobilizacións e protestas dos gandeiros e agricultores nos últimos anos deterían a declaración.

As propostas da Consellería do Medio Rural para incluír no Plan de Acción van desde a creación dunha etiqueta de gandaría e agricultura sostible para as zonas afectadas (pola boa xestión dos xurros), á posta en marcha de plantas de tratamento de residuos e produción de biometano.

En realidade estas plantas non resoven os problemas de contaminación do solo e da auga, pois na dixestión anaerobia non se elimina o nitróxeno nin fósforo do xurro, que son os elementos que poden dar lugar á contaminación por nitratos e á eutrofización. Compre ter claro que estas plantas NON reducen practicamente os nitratos, xa que o que reducen é o metano. Concentrando os "dixestatos": e despois que se fai con eles??. Non lle dan solución.

Toda esta situación xera "medos" e inquedanzas dos nosos sectores produtivos e que poden poñer en perigo moitas explotacións, unha vez sexan declaradas ZVN, polo aumento dos custes de produción que poden vir dados por novos investimentos nas explotacións : (filtros, fosas de xurro...), polo custe do traslado do xurro até as plantas de biogás, pola obriga de aumento do barbeito, ou polo sistemas de abonado con materias químicas máis custosas; medos e inquedanzas polo aumento da burocracia como a obriga do libro de explotación, os plans de abonado; pola perda de prestixio das nosas producións: carne e pataca (IXP Tenreira Galega, IXP Pataca de Galicia) e a conseguinte baixada de prezos; así como as limitacións de produción en porcino.

Chegado este momento é fundamental destacar a absoluta responsabilidade da Xunta de Galiza, pola súa deixadez e falla de transparencia, quedando moitas cuestións sen resolver como que organismos oficiais foron os encargados de realizar as analíticas?; como que estamos baseándonos en analíticas feitas entre 2016 e 2019, porén que resultados ternos entre os 2019 e 2023?; cal é o papel de Augas de Galiza?; Por que a Xunta agardou 3 anos, sabendo que as tiñan que declarar?; Por que non se presentou o Plan Estratéxico da Limia nestes 4 anos?; Que medidas correctoras limitantes inmediatas, xa en maio, van ter que adoptar as explotacións agrarias e gandeiras desas ZVN?; se ten a Xunta de Galiza informe de impacto sectorial e económico destas declaracións?; Por que non se tivo en conta esta circunstancia das ZVN na elaboración e financiación das liñas de axuda e actuación do PEPAC?; Por que nos orzamentos da Consellaría do Medio Rural non figura ningunha medida económica?; Que financiación vai ter o Plan de Acción para adoptar as medidas inmediatas?. Estas son algunhas das cuestións á que a Xunta de Galiza vai ter que

respostar en sede parlamentaria, pola gravidade das repercusións que a súa inacción vai ter para a comarca da Limia.

Desde o BNG somos conscientes de que esta Deputación Provincial ten limitadas competencias na solución da maioría destes temas. Porén pode ser unha administración proactiva que axude e colabore na adopción de medidas que permitan mellorar a situación ambiental da comarca e das súas augas (tanto superficiais como soterradas), e, ao mesmo tempo, conservar o potencial agrario e gandeiro da comarca da Limia.

ACORDOS

- 1. Esixir á Xunta de Galiza que dea a coñecer de inmediato o contido completo do Plan Estratéxico da Limia, elaborado xa en 2021 así como as medidas contempladas nel.*
- 2. Ofrecer a colaboración do Centro de Desenvolvemento Agrogandeiro, dependente desta Deputación Provincial, para coordinar analíticas, controis e seguimento; así como ofrecer asesoramento técnico ás explotacións gandeiras e agrarias da comarca ao respecto das medidas que estableza o Plan de Acción correspondente.*
- 3. Promover unha "comisión de seguimento" entre a Deputación Provincial, Xunta de Galiza, concellos, IXP Pataca de Galicia, Sindicatos Agrarios e asociación de empresarias/os da Limia, para a redacción do Plan de Acción e o seu desenvolvemento nos seguintes 4 anos.*
- 4. Instar á Xunta de Galiza ao establecemento de medidas de apoio económico, a través das axudas da Consellaría do Medio Rural para plans de mellora de explotacións agrarias que incorporen investimentos precisos para adoptar os requisitos ambientais precisos para a redución de emisión de nitratos a acuíferos.*

A continuación prodúcese as intervencións que se recollen no punto 10º da vídeo acta da sesión, dispoñible no seguinte enlace: [ver punto 10](#)

Non se producen máis intervencións someténdose a votación a moción e, por maioría de todos os presentes, o Pleno adopta o seguinte acordo:

- 1. Esixir á Xunta de Galiza que dea a coñecer de inmediato o contido completo do Plan Estratéxico da Limia, elaborado xa en 2021 así como as medidas contempladas nel.*
- 2. Ofrecer a colaboración do Centro de Desenvolvemento Agrogandeiro, dependente desta Deputación Provincial, para coordinar analíticas, controis e seguimento; así como ofrecer asesoramento técnico ás explotacións gandeiras e agrarias da comarca ao respecto das medidas que estableza o Plan de Acción correspondente.*
- 3. Promover unha "comisión de seguimento" entre a Deputación Provincial, Xunta de Galiza, concellos, IXP Pataca de Galicia, Sindicatos Agrarios e asociación de empresarias/os da*

Limia e Campus Auga de Ourense, para a redacción do Plan de Acción e o seu desenvolvemento nos seguintes 4 anos.

4. Instar á Xunta de Galiza ao establecemento de medidas de apoio económico, a través das axudas da Consellaría do Medio Rural para plans de mellora de explotacións agrarias que incorporen investimentos precisos para adoptar os requisitos ambientais precisos para a redución de emisión de nitratos a acuíferos.

11.- MOCIÓN DO GRUPO SOCIALISTA PARA PALIAR O IMPACTO DO PECHE DA ESCOLA INFANTIL “ A CASIÑA” E ACHEGAR ALTERNATIVAS VIABÉIS PARA AS FAMILIAS.-

A esta moción presentouse unha emenda de engádegas do BNG que non é aceptada polo grupo propoñente da moción.

D. Diego Fernández Nogueira, do Grupo Socialista, expón o contido da seguinte moción:

A entidade Cáritas Diocesana de Ourense anunciou en medios de comunicación o pasado 27 de febreiro o peche da Escola Infantil “A Casiña”, situada na rúa Vasco da Ponte nº 4 de Ourense. “A Casiña” é un centro educativo infantil que xoga un papel fundamental no desenvolvemento de nenas e nenos da cidade, entoxándose peza esencial para a conciliación laboral e familiar de moitas nais e pais. A escola levaba aberta desde 1977, polo que conta con case que medio século de actividade, sendo xestionada durante os derradeiros 17 anos por Cáritas. O centro dispón de 41 prazas e un cadro de traballadores composto por 7 persoas, incluíndo persoal de cociña e administración.

O peche produciuse de xeito unilateral, sen previo aviso e -o máis preocupante- sen ofrecer alternativas viábeis, quedando os usuarios en situación de desamparo, xa que non existen opcións abondo a proximidade para cubrir a demanda existente. Neste senso, abasta botar un ollo á lista de agarda do pasado curso, ascendendo uns 150 as nenas e nenos que quedaron sen praza na escola. Nunha cidade como Ourense, onde hai unha acentuada escaseza de prazas en centros infantís e non cesa de aumentar a demanda, o sinalado fechamento agrava unha problemática que afecta directamente aos fogares, nomeadamente aos que dependen deste tipo de centros para conciliar a súa vida laboral e persoal.

A meirande parte das familias afectadas non poden desprazarse a outros centros educativos pola distancia e falta de recursos, o que fai que o peche implique, alén dun inconveniente lóxico maior, un obstáculo insalvável. Fogares, que xa se atopan nunha situación de certa vulnerabilidade económica, dependen deste servizo para cumprir cos seus horarios laborais, véndose na obriga de buscar solucións improvisadas que adoitan non ser factíbeis nin

axeitadas, colocándoos nunha situación incluso máis delicada. Esta tesitura non só afecta á estabilidade laboral dos proxenitores, senón que mesmo pon en risco o desenvolvemento educativo dos cativos, que se ven privados dun espazo de formación temperá crucial para o seu crecemento integral.

A apertura do novo centro administrativo da Xunta de Galicia no barrio das Lagoas terá implicacións significativas na zona. O complexo albergará uns 700 funcionarios que a día de hoxe traballan en diferentes dependencias espalladas pola cidade. A concentración de traballadores do novo centro administrativo incrementará a demanda de prazas en escolas infantís (0-3 anos) na área circundante, o cal obrigará ao goberno autonómico á adopción de medidas para facilitar a conciliación laboral e familiar. As autoridades competentes deberían comezar xa a avaliar a capacidade actual das escolas infantís no barrio e consideren a posibilidade de ampliar prazas e servizos para atender axeitadamente o incremento esperado da demanda. Inserida na devandita zona, o peche de “A Casiña” var no sentido contrario do devir do barrio.

Inquieta a carencia de información e a inexistencia de solucións alternativas por parte dos responsables do peche. Dunha banda, as familias non recibiron ningunha comunicación oficial sobre as razóns do cerramento dun servizo que se presta nunhas instalacións que son de propiedade pública, que non propias de quen presta o servizo, esgrimindo Cáritas “causas económicas”. Segundo a memoria de 2023 da organización da igrexa católica en Ourense, o custo da Escola Infantil “A Casiña” ascendeu a 185.747 euros (172.381 euros en 2022 e 163.989 euros en 2021). Durante este mesmo período, Cáritas Diocesana de Ourense recibiu de diferentes administracións públicas até 2.819.826 euros en 2023, 1.886.051 euros en 2022 e 1.676.482 euros no 2021.

Tampouco se acompañou o anuncio do pechamento de alternativas plausibles á disposición duns fogares que quedan de súpeto sen servizo. A decisión de Cáritas Diocesana de Ourense sobrevén nun momento en que as familias tiñan confirmada a renovación no centro, dando comezo o prazo de novas matrículas o 1 de marzo (2 días despois do anuncio do peche), namentres que o resto de garderías de Ourense xa iniciaran de común acordo o proceso o 1 de febreiro de 2025. O baleiro informativo incrementa a incerteza e o malestar, non estando nais e pais en disposición de planificar axeitadamente o vindeiro curso ao descoñecer as opcións eventualmente dispoñibles. Non se informou apropiadamente aos damnificados nin se plantexaron recursos e alternativas ao seu dispor para atopar un horizonte de solución.

Por todo o exposto o Grupo Provincial Socialista presenta as seguintes **PROPOSTAS DE ACORDO**:

PRIMEIRA.- Instar a Cáritas Diocesana de Ourense a que proceda a deixar sen efecto o peche da Escola Infantil "A Casiña", previsto para o día 31/07/2025, dándolle continuidade ao centro entreméntres se buscan alternativas axeitadas que posibiliten a continuidade dos servizos educativos e de coidado infantil na zona.

SEGUNDA.- Demandar da Xunta de Galicia -a través da Consellería de Educación, Ciencia, Universidades e Formación Profesional e/ou da Consellería de Política Social e Igualdade- que interveña de urxencia para atallar os efectos negativos dunha situación que afecta ao benestar e estabilidade laboral das familias, así como á atención e formación de cativas e cativos, e mesmo das traballadoras.

A continuación prodúcese as intervencións que se recollen no punto 11º da vídeo acta da sesión, dispoñible no seguinte enlace: [ver punto 11](#)

Non se producen máis intervencións someténdose a votación a moción e, co voto a favor do Grupo Socialista (7), do BNG (3) e de Democracia Ourensana (2) e a abstención do Grupo Popular (12), o Pleno adopta o seguinte acordo:

PRIMEIRA.- Instar a Cáritas Diocesana de Ourense a que proceda a deixar sen efecto o peche da Escola Infantil "A Casiña", previsto para o día 31/07/2025, dándolle continuidade ao centro entreméntres se buscan alternativas axeitadas que posibiliten a continuidade dos servizos educativos e de coidado infantil na zona.

SEGUNDA.- Demandar da Xunta de Galicia -a través da Consellería de Educación, Ciencia, Universidades e Formación Profesional e/ou da Consellería de Política Social e Igualdade- que interveña de urxencia para atallar os efectos negativos dunha situación que afecta ao benestar e estabilidade laboral das familias, así como á atención e formación de cativas e cativos, e mesmo das traballadoras.

12º.- ASUNTOS DE URXENCIA.-

Non se presentan.

13º.- COMUNICACIÓNS DA PRESIDENCIA.-

- 1.- Dáselle conta ao Pleno da resolución da liquidación do orzamento de 2024.
- 2.- Para cumprir co establecido no artigo 62 do vixente Regulamento de organización, funcionamento e réxime xurídico das entidades locais (aprobado por Real decreto 2568/1986, do 28 de novembro, e publicado no BOE do 22 de decembro), dáselle conta ao Pleno da

relación de decretos do mes de febreiro de 2025.

Os membros da Corporación quedan informados.

14º.- ROGOS E PREGUNTAS.-

Nesta quenda prodúcese as intervencións que se recollen integramente no punto 14º da vídeo acta da sesión, dispoñible no seguinte enlace: [ver punto 14](#)

E, ás 14.47 horas dáse por finalizada a reunión, redactándose esta acta, que se asinará electronicamente. Dou fe.

DILIXENCIA:

De acordo coa normativa aplicable, artigo 109 do RD 2568/1986, polo que se aproba o Regulamento de organización, funcionamento e réxime xurídico das entidades locais, artigo 4 f) do Regulamento orgánico da Deputación Provincial de Ourense (BOP núm. 107 de data 04.06.2024), e artigo 2 do Decreto 24/2018, sobre os libros de actas e de resolucións das entidades locais galegas, **a presente acta esténdese en documento electrónico e incorporando o arquivo audiovisual da sesión, mediante o sistema de vídeo acta.**

A acta consigna os seguintes extremos: lugar de reunión, data e hora de inicio e finalización da sesión, indicación do carácter ordinario ou extraordinario, persoas asistentes con expresión dos seus cargos, e os membros que se escusaron, orde do día, contido dos acordos alcanzados, no seu caso, así como a expresión do sentido do voto dos membros. Ademais do anterior, a acta incorpora o arquivo audiovisual da gravación da sesión, contendo a literalidade das intervencións, así como a sinatura electrónica da persoa que ostenta a Secretaría do pleno, que dota de fe pública e efectos de dereito ao documento, e da persoa que exerce a Presidencia.

Para os efectos do previsto no artigo 2.4 do Decreto 24/2018, sobre os libros de actas e de resolucións das entidades locais galegas, e artigo 4 f) do Regulamento orgánico da Deputación Provincial de Ourense (BOP núm. 107 de data 04.06.2024), **por medio deste escrito CERTIFICO a autenticidade e integridade do ficheiro da gravación contido na presente acta.**

PEGADA DIXITAL VÍDEO

`<iframe width="560" height="315"`

`src="https://videoacta.depourense.gal/vod/Plenos/2025/03/28/Grabando_en28-03-`

2025/video_202503281000000000_FH.mp4" frameborder="0" allow="accelerometer;
autoplay; encrypted-media; gyroscope; picture-in-picture" allowfullscreen></iframe>